

a. 799
ineunte.

164.

Alcvinus Caroli regis Francorum filiae scribit se propter infirmam valetudinem ad regem non venisse. Sperat fore, ut rex Turonos accedat et Dares Hispanicus a sese vincatur.

a. 799 ineunte.

Codd. S 1 fol. 116' (S 1 fol. 17'—18), A 1 fol. 63—63', A 1* p. 69—70 n. 48^a.*

Edd. M 8, F 100, J 132. — Migne col. 363.

5

KARISSIMAE^b IN CHRISTO FILIE FIDELIS IN KARITATE PATER PERPETUAE PROSPERITATIS SALUTEM.

Inter cetera^c corporalis infirmitatis incommoda hoc maxime animum contristat paternum, quod domni mei David¹ et vestre dilectionis^d sic cito, sicut volui, presentari^e non potui. Credo tamen in eius clementiam, qui allisos^f solet erigere et infirmos^g curare, quod meam adhuc^h impleat voluntatem in videndo faciem domini mei dilectissimi vestraeque familiaritatis frui alloquio.

Tu vero, filia karissima, honestisⁱ moribus^k, misericordiae operibus, vitae sanctitate orneris^l. Memento^m dignitatem tuam, ut magis probitas laudetur conversationisⁿ quam species auri fulgentis. Si quis^o diligentius precepta considerat divina, inveniet in illis utrumque et laudem^p in presenti vita inter homines et mercedem^q aeternae gloriae apud Deum. Haec tu, nobilissima puella², diligentissime discere et devotissime implere satage, ut digna efficiaris a Deo amari et ab hominibus laudari.

Fama^r per multorum ora volitans³ resonat domnum regem orationis gratia ecclesias sanctorum visitaturum⁴. Atque utinam videamus illum in domo magni protectoris sancti Martini⁵. Tunc habet Flaccus omni laetitia gaudere et more senis Entelli^s saltare, tripudiare^t totis viribus, et^u Daretem Hispanicum⁶ vincere⁷, qui gloriatur in fortitudine iuvenilis aetatis Homerumque versificantem conticescere^v facit⁸.

Moribus egregiis virtutum et vita coronis

Floreat et vigeat, filia kara mihi.

25

164. ^a) Lemma: Epistola alia magistri Albini A 1; Epistola Albini magistri A 1*. ^b) Karissimo A 1. ^c) et cetera S 1. ^d) aspectui excidisse videtur J.; man. rec. corr. dilectionis in dilectioni A 1; dilectioni S 1, A 1*. ^e) praesentare S 1. ^f) alisos A 1. ^g) infirmitati S 1. ^h) ad hoc A 1. ⁱ) onestis S 1. ^k) om. S 1. ^l) ornare S 1. ^m) Meminerit dignitas tua, quod magis A 1*. ⁿ) laudet conversationis S 1. ^o) qui S 1. ^p) laudis S 1. ^q) mercedis S 1. ^r) Fama — Martini om. S 1. ^s) Entilli A 1; seni sentelli S 1. ^t) trepidiare S 1. ^u) et Daretem — facit om. S 1. ^v) conticescere A 1.

1) Caroli regis. 2) Non potest dubitari, quin haec epistola ad Caroli et Hildigardae filiam scripta sit; neque vero perspicuum est, num ad Hrotrudim spectet, an ad Berhtam an ad Gislam; de quibus v. Einharti vit. Caroli c. 18. J. 3) Aen. VII, 104: late volitans iam | Fama; IX, 473. 474. 4) Fama haec vera fuit. Carolum enim scimus anno 800. fuisse die 26. Martii Sitiū in atrio S. Bertini (v. Sickel Acta Karolinorum T. II, p. 62 n. 161), die 19. Aprilis pascha, in Centulo apud S. Richarium posteaque Turonis ad Sanctum Martinum orationis causa pervenisse (v. Annales Laurissenses et Einharti attributos 800, SS. I, 186. 187). Hinc intellegimus epistolam hanc ineunte anno 800. scriptam esse et quidem eodem fere tempore quo ep. 165 infra. J. Cf. autem quae Grössler (Jahresber. des Gymnas. zu Eisleben 1879 p. 54 n. 5) huic Iaffei opinioni rectius opposuit. 5) Carolus morabatur Turonis apud S. Martinum dies aliquot propter adversam domnae Liutgardae coniugis valetudinem, quae ibidem et defuncta (d. 4. Iunii 800) et humata est; indeque rex Aquasgrani reversus est; v. Annales l. l. J. 6) Verbis his Daretem Hispanicum significat neque Felicem episcopum Urgellitanum, ut Jaffé voluit, neque Elipandum Toletanum senem, ut in margine codicis A 1* manu recentiore legitur, sed, ut mihi persuasum est, Theodulfum episcopum Hispania oriundum. Cf. Sitzungsber. der Berliner Akad. a. 1891 p. 517 n. 2. 7) De Darete per Entellum senem caestu victo cf. Verg. Aen. V, 369—384; supra p. 231 n. 4. 8) i. e. Angilbertum in ludo poetico.